

یوہ آکا شوانی جموں ہے عبدالرحمان تے نصرت چوہدری تیں خبر سٹو۔

HEADLINES

۱۔ لیفٹیننٹ گورنر منوج سنہا نے دہشت گردی تیں متاثرہ خانداناں گا 158 تیں تیں متہ افراد نانہہ تقریریاں غا خطوط دتا ہیں۔

۲۔ محکمہ سماجی بہبود غی وزیر محترمہ سکینہ اتو نے پونچھ مانہہ صحت سماجی بہبود تے تعلیم غا محکماں غی کارکردگی غو جائیزو لیو ہے۔

۳۔ جموں کشمیر مانہہ دفعہ 370 غی منسوخ تیں لے غے اج تک 6 سال مکمل ہو گیا ہیں تے اس دفعہ غا ہٹایا جان توں بعد ات بڑی ترقی دیکھن مانہہ آئی ہے تے ریکارڈ سیاحتی بادھو ہوو ہے۔

۴۔ جموں کشمیر حکومت اہم انتظامی ردو بدل دتے ہے جس مانہہ مانہہ سیکرٹری تے ڈپٹی کمشنر غی سطح ور تبدیلی کی گئی ہیں۔

۵۔ جموں غا سیاحتی محکمہ نے ورثہ غی سیر واسطے ایک نوو سیاحتی رستو شروع کیو ہے جس مانہہ بیہم گڑھ قلعہ تے امر محل جیسا تاریخی مقامات شامل ہیں۔

LG APP LETTERS

لیفٹیننٹ گورنر منوج سنہا نے اج شیر کشمیر بین العوامی کنووکیشن مرکز سرینگر مانہہ دہشت گردی گو شکار ہون آلا خانداناں غا 158 تیں زیادہ افراد نانہہ تقرری غا خطوط تقسیم کیا ہیں اس موقع ور لیفٹیننٹ گورنر موصوف نے متاثری خانداناں سنگ ملاقات تے انہاں نانہہ حکومت غی طرفوں ان غی پہلائی بہتری تے بحالی واسطے مسلسل عزم غو یقین دوايو اس موقع ور خطاب کرتا واں لیفٹیننٹ گورنر موصوف نے اپریشن مہادیو تے اپریشن سندور غو ذکر کیو اس بارے بولتا واں لیفٹیننٹ گورنر منوج سنہا نے اس طرح کہیو یوہ پروگرام ان خانداناں کی حمایت واسطے ترتیب دتو گیو تھو جنہاں نے دہشت گردی غے متعلق واقعات مانہہ اپنا پیاراں نانہہ کھو دتو ہے تانجے اہل خانداناں غا افراد نانہہ سرکاری ملازمت فراہم کی جاسکے۔

ITOO POONCH

محکمہ سماجی بہبود تے تعلیم غی وزیر محترمہ سکینہ اتو نے اج پونچھ ضلع مانہہ صحت سماجی بہبود تے تعلیم غا محکماں غی کارکردگی غو جائیزو لین واسطے ایک میٹنگ غی صدارت کی انہاں نے 28 معزور افراد مانہہ موثر سائیکل ٹرائی سائیکل وی تقسیم کیں تانجے ان غی نقل و حرکت تے کود مختاری مانہہ بہتری آئی جاسکے وزیر موصوف نے معزور افراد غا وقار تے رسائی واسطے حکومت گا عزم ور زور دتو تے دوجا ضلعان مانہہ وی اسے طرح غا اقدامات غا منصوبیاں گو اعلان کیو انہاں نے پردھان منتری ماترو وندنا یوجنا غے تحت ایک تربیتی پروگرام غو افتتاح وی کیو جس مانہہ خواتین واسطے بکھ بکھ سمناجی بہبود غی سکیمان نانہہ اُجاگر کیو گیو اس موقع ور بولتا واں وزیر محترمہ سکینہ اتو نے اس طرح کہیو۔

ARTICLE 370 ANNIV

غے تحت دتا گیا خصوصی درجہ نانہہ اج 6 سال مکمل ہو گیا ہیں جد جموں کشمیر مانہہ دفعہ 370,35 منسوخ کی وگیو جس غے بعد خطہ مانہہ تبدیلی غیابیک نویں لہر آئی ت تہہ تیں ہی جموں کشمیر مانہہ ٹہانچہ سیاحتتعلیم تے صحت غا شعبان مانہہ نمایا ترقی دیکھن مانہہ لہی ہے سال 2019 تیں ایت بنیادی ٹہانچہ سیاحت تعلیم تے صحت غا شعبان مانہہ انقلابی ترقی غو مشاہدو کیو گیو ہے 10 ہزار 5 سو کروڑ روپیاں تیں زیادہ غی سرمایہ کاری آئی ہے جہیڑی صنعتی ترقی تے عالمی سرمایہ کاری غا اعتماد مانہہ اضافہ غو ہے سال 2025 مانہہ جموں کشمیر نے سیاحت غا شعبہ مانہہ ایک نوو ریکارڈ قائم کیو ہے جد 2 کروڑ 35 لکھ سیاحان نے ایت غو رُخ کی وجہیڑو اس غی بدھتی وی کشش غو ثبوت ہے۔ اس سلسلہ مانہہ اج ضلع سانہہ غا وجے پور علاقہ غا سونکھا موڑ مانہہ ایک پروگرام منعقد ہوو جس مانہہ جموں صوبہ گا مغربی پاکستانی مہاجر نے جوش و خروش سنگ اس دن نانہہ منایو۔

SATYAPAL MALIK DIES

جموں کشمیر گا سابق گورنر ستیہ پال ملک اج انتقال کر گیا۔ ان غی عمر 79 سال تھی تے وہ کافی عرصہ تیں بیمار تھا وے اج تہاڑی غا تقریباً 1 بجے دہلی غا رام منوہر لوہیا اسپتال مانہہ انتقال کر گیا جت ان گو علاج چل رہیو تھو جناب ملک اگست 2018 تیں اکتوبر 2019 توڑی جموں کشمیر غا آکری گورنر غا طور ور رہیا انہی غا دور مانہہ 5 اگست 2019 نانہہ دفعہ 370 نانہہ ختم کیو گیو تھو تے جموں کشمیر غی خصوصی حیثیت نانہہ واپس لے لیو گیو تھو۔

JK ADM RESHUFFLE

ایک معمولی انتظامی رد و بدل غ یثحت جموں کشمیر حکومت نے 10 آئی اے ایس کے 4 جے کے اے ایس افسران غا تبادلہ کے تقرریاں غو حکم دتو ہے نوین ایس ایل ہون شہری ہوابازی غا سیکرٹری مقرر ہوا ہیں جنہاں نے ڈاکٹر شاہد اقبال چودھری غی جگہ لی ہے جد کہ اونی لواسہ نانہہ سیکرٹری ٹرانسپورٹ محکمہ غی ذمے داری سونپی گئی ہے انشول گرگ جہڑہ اس تیں پہلاں ماتا ویشنو دیوی شرانین بورڈ گا سی ای او تھا نانہہ نوو صوبائی کمشنر کشمیر تعانات کی وگیو ہے ضلع سطح ور اہم تبدیلیاں مانہہ راکیش منہاس نانہہ نوو ڈپٹی کمشنر جموں ویکاس کُنڈل نانہہ جموں کشمیر سروس سلیکشن بورڈ غو سربراہ راجیش شرما نانہہ ڈپٹی کمشنر کٹھوعہ تے آیوشی سوڈن نانہہ ڈپٹی کمشنر سانبہ مقرر کیو گیو ہے۔

JAMMU TOURISM CIRCUIT

جموں گا سیاحتی محکمہ نے ورثہ غی سیر واسطے ایک نوو سیاحتی رستو شروع کیو ہے جہڑو ریاسی، جموں تے سامبہ ضلاع مانہہ 229 عشاریہ 8 کلو میٹر ور مشتمل ہے یوہ پنج دناں گو ٹور ہے جس مانہہ بیمگرٹھ قلعو، بابو قلعو، امر محل، مبارک منڈی، سوچیت گڑھ باٹر تے موہار گڑھ قلعہ جیسا تاریخی مقامات شام ہیں سیاحاں نانہہ اکھنور قلعہ ت امبرن سائیٹ ور رات گزارن غ و موقعو وی ملے غو تاجے وہ مقامی ثقافت نانہہ قریب تیں محسوس کرسکیں اس تیں پہلاں یاترا تے قدرتی مناظر آلا سرکٹ متعارف کرایا گیا تھا یوہ نوو قدم جموں گا تاریخی ورثہ نانہہ آجاگر کرن تے سیاحت نانہہ بدھان غی ایک کوشش ہے۔

VEHICLES JMU

جموں ضلع انتظامیہ نے بغیر اجازت گڈیاں مانہہ ماڈیفیکیشن یعنی تبدیلی واسطے استعمال ہون آلا سامان گی خریدو فروخت تقسیم تے نمائش ور پابندی لادتی ہے۔ یوہ حکم ضلع میجسٹریٹ سچن کمار ویشیا نے موٹر ویکل ایکٹ غی دفعہ 52 ت بھارتیہ ناگرک سورکشا سہیتا 2023 غی دفعہ 163 گے تھت جاری کیو ہے یہ پابندی فوراً نافذ العمل ہے تے پورا جموں ضلع مانہہ لاگو ہو گئی ہے حال ہی مانہہ ٹریفک پولیس نے کئی غیر قانونی طورور ماڈی فیکیشن گڈیاں نانہہ ضبط کیو تھو انتظامیہ گو مقصد خطر ناک تبدیلیاں نانہہ روکنو تے سڑکاں ور حفاظت نانہہ یقینی بنانو ہے۔

LAND RECORDS DIGITIZATION

ڈپٹی کمشنر ریاسی ندھی ملک تے ایڈیشنل انسپکٹر جنرل برائے اندراج پنکج گپتا نے ریاسی رجسٹرار آفس مانہہ 1995 تیں 2020 توڑی غا زمین تے جائیداد غا ریکارڈ نانہہ ڈیجیٹل بنان غا کم غو افتتاح کیو۔ یوہ قدم ڈیجیٹل انڈیا لینڈ ریکارڈ ماڈنائزیشن پروگرام غے تحت لی وگیو ہے جس غو مقصد زمین گا ریکارڈ نانہہ شفاف تے آسانی تیں قابل رسائی بنانو ہے ان ریکارڈ نانہہ نیشنل جنرک ڈاکیو مینٹ ریجسٹریشن سیسٹم غے نال جوڑیو جے گو یے منصوبہ 2 تے 3 مہینہ توڑی مکمل ہون غی امید ہے ڈی سی موصوفہ نے کہیو کہ یوہ قدم عوام واسطے ایک آسان تے موثر زمیناں غا ریکارڈ غا نظام غی طرف ایک اہم پیش رفت ہے۔ اس موقع ور محکمہ مال تے این آئی سی غا افسر موجود تھا۔

ANNOUNCEMENT

علاقائی خبراں آلو شعبو آکاشوانی جموں ماں گا دودھ پلان غی اہمیت غا موضوع ور ایک خاص پروگرام پیش کرے غو یوہ پروگرام عالمی ہفتہ برائے دودھ پلان 1 اگست تے لے غے 7 اگست غا موقع ور پیش کیو جارہیو ہے یاہ خصوصی نشریات پلکیں 6 اگست 2025 نانہہ سویرے 8:45 منٹ ور نشر کیو جے گو۔ اس پروگرام مانہہ مارا مہمان وین غا ڈاکٹر اشونی کمار جہڑا سب ضلع اسپتال جگٹی جموں مانہہ بچاں گا ماہر ڈاکٹر ہیں تے وہ ماں گا دودھ پلان غا فائداں ور اپنا خیالات ت تجربات سانجہ کریں گا۔ اس پروگرام غی میزبانی کریں غی ماری انکر، شروتی کھجوریہ سامعین اس پروگرام نانہہ میڈیم ویو 303 میٹر یعنی 990 کلو ہٹر ایف ایم 100.3 میگا ہٹر تے ایف ایم 104.5 میگا ہٹر ور سُن سکیں غا۔

AMNESTY SCHEME

جموں کشمیر سرکار نے ایمنسٹی اسکیم کی توسیع کرتا مانہہ بجلی غا 6 لکھ بقایہ بل ادا کیا ہیں اس اسکیم غے تحت بجلی استعمال کرن آلا صارفین نانہہ صرف بنیادی رقم ہی بجلی غا کرائیہ غا طور ور جمع کرائی ہے تے 31 مارچ 2025 توڑی بجلی غا بلاں ور لگیا تمام سود نانہہ ختم کیوگیو ہے صارفین نانہہ 31 مارچ 2026 توڑی اس اسکیم گو فائدو چاتاں مانہہ برابر قسطاں مانہہ رقم جمع کرائی وے غی تے موجودہ بجلی غا بل نال نال ادا کرنا وین گا عمل در آمد نہ کرن غی صورت مانہہ گجھ جرمانو وی ہے سکے لہزا بجلی گا صارفین نانہہ کیوگیو ہے کہ وے مقامی بجلی آفیسر نال رابطو کرے یاہ سرکاری ویب سائیٹ تیں مزید جانکاری حاصل کریں سرکار غ و یوہ قدم بجلی محکمہ غی آمدنی بدھان تے عوام غی وی امداد گو ایک اہم قدم ہے۔
